



Dragi prijatelji/ce,

Predstavljamo vam **decembarsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **180** organizacija i **115** pojedinaca iz **75** mjesta BiH. Bilten trenutno izlazi na bosanskom-srpskom-hrvatskom i engleskom jeziku.

Sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).



Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

Uživajte u čitanju!!

SADRŽAJ

| | | |
|--|-------|-----------|
| Aktivnosti u decembru 2015. | | 2 |
| Planovi za januar 2016. | | 4 |
| Aktivnosti dijela članica mreže | | 5 |
| Informacije | | 18 |
| Donatori / pozivi | | 19 |

AKTIVNOSTI ORC/ hCa U DECEMBRU 2015.

✚ Prekogranična građanska mreža za mir, pomirenje i sigurnost ljudi na Balkanu



Projekat „*Prekogranične građanske mreže za mir, pomirenje i sigurnost ljudi na Balkanu*“ implementira Helsinški parlament građana Turska, zajedno sa partnerima: ADP ZID Crna Gora, SeConS Srbija, Institut za regionalne i internacionalne studije Bugarska, Centar za istraživanje, dokumentaciju i publikovanje Kosovo, Omladinski resursni centar Tuzla. Projekat je podržan od Evropske Unije.

Tokom decembra smo, zajedno sa istraživačkim timom iz PRONI-ja Brčko, nastavili rad na istraživanju „Aspekt ljudske sigurnosti mladih koji žive u kolektivnim centrima, ili „alternativnim smještajima“ u BiH. U pripremi su rezultati koji će biti objavljeni krajem januara, kada ćemo i održati sastanak stakeholdera, na koji ćemo pozvati predstavnike relevantnih ministarstava iz FBiH, RS i Brčko Distrikta Bosne i Hercegovine, te predstavnike opštinskih/općinskih odjeljenja i predstavnike institucija koje se bave pitanjima raseljenih lica i izbjeglica. Više o ovome u narednim biltenima i na našoj web stranici.

✚ OMLADINSKA GRUPA ORC TUZLA

► NOĆ IDEJA

„Noć ideja“ je jedinstven događaj u gradu Tuzli koji okuplja mlade umove kako bi debatovali o aktuelnim društvenim pitanjima. Organizator događaja je Udruženje „Multi“.

U toku dvije noći debatiranja (23. i 24. decembar 2015.), događaj je okupio 25 debatnih timova koji su razgovarali na teme „Reformske agende“, „Odliv mozgova“, „20 godina Dejtonskog sporazuma“, „Nezaposlenosti mladih“ i „Evropskog puta BiH“.

Na ovom takmičenju Omladinski resursni centar Tuzla predstavljali su **Zada Bešić, Adi Selman i Slobodan Blagovčanin**, koji su zauzeli treće mjesto.



► POSJETA UČENIKA OSNOVNE ŠKOLE „JALA“



ORC Tuzla imao je čast ugostiti učenike Osnovne škole „Jala“, koji u svojoj školi provode projekat „Napuštenih pasa“. Problem koji žele da riješe realizacijom ovog projekta jesu psi koji se pojavljuju u njihovom školskom dvorištu i napadaju učenike i učenice.

U dosadašnjem periodu prikupili su potpise za peticiju postavljanja table zabrane ulaska psima u školsko dvorište, koja se odnosi na vlasnike pasa, a koji svoje pse šetaju u dvorištu, i sakupljanja pomoći azilu za pse u Tuzli.

► TREĆA MEĐUNARODNA NAUČNO-STRUČNA KONFERENCIJA

Treća Međunarodna naučno-stručna konferencija „Profesionalna rehabilitacija - stanje, mogućnosti i perspektive“ realizovana je u Tuzli od 10. do 13. decembra 2015. Cilj ove konferencije bio je ostvarivanje međusobnih kontakata, te razmjena znanja i iskustva. Pored glavne teme na Konferenciji (Profesionalna rehabilitacija), prezentirane su i druge teme povezane sa edukacijom, liječenjem i rehabilitacijom.



Ova konferencija je okupila preko 400 učesnika iz BiH i regiona. Organizatori konferencije bili su Edukacijsko-rehabilitacijski fakultet Univerziteta u Tuzli, Centar za edukaciju i profesionalnu rehabilitaciju iz Tuzle, Međunarodni forum solidarnosti “Emmaus” Dobojski Istok i Preduzeće za profesionalnu rehabilitaciju i zapošljavanje osoba sa invaliditetom „d.o.o. Lotosice“ Tuzla. Jedna od sudionica ove naučno-stručne konferencije bila je i članica Omladinske grupe Omladinskog resursnog centra **Sokoli Merita**.

► KONFERENCIJA „GOVOR MRŽNJE NA INTERNETU“

Ministarstvo civilnih poslova Bosne i Hercegovine i Komisija za koordinaciju pitanja mladih u Bosni i Hercegovini, u saradnji sa PRONI Centrom za omladinski razvoj Brčko distrikt BiH su u Parlamentarnoj skupštini Bosne i Hercegovine 15. decembra 2015. godine organizovali konferenciju „**Borba protiv govora mržnje na internetu**“.

Parlamentarna skupština Bosne i Hercegovina okupila je 80 mladih ljudi iz BiH, a među govornicima na konferenciji bio je i direktor ORC-a Tuzla, Miralem Tursinović.



Konferenciji su također prisustvovali i članovi naše Omladinske grupe – **Adi Selman i Slobodan Blagovčanin**.

► „NOVOGODIŠNJI PARTY“

Omladinski resursni centar Tuzla je treću godinu zaredom priredio Novogodišnju zabavu za članove svoje Omladinske grupe. Zabava je održana u prostorijama ORC Tuzla i okupila je članove Omladinske grupe koji su vrijedno radili u toku ove godine.

Napomene radi, Omladinska grupa ORC Tuzla broji 30 studenata i učenika srednjih škola iz Tuzle, koji se kroz volonterske aktivnosti trude da naš grad bude ljepše mjesto za život, te animiraju mlade u gradu na društveni aktivizam. U toku 2015. godine dvije najveće aktivnosti koje su omladinci realizovali su projekat „Date the state“, koji je za cilj imao upoznavanje mladih sa političkim aparatom BiH i posjetu Parlamentu BiH, te „Živi zdrav život vol 2“, na kojem su mladi iz Tuzle imali priliku da se nadmeću u odbojci na pijesku, street basketu, dobrovoljno daju krv i pješače na Vršane.



Tokom zabave, prisutnima se obratio i direktor ORC Tuzla, Miralem Tursinović, koji je obećao pomoć u održavanju i funkcionisanju grupe i u narednoj godini. Najaktivnijim članovima u grupi su podijeljeni prigodni pokloni. U narednoj godini, grupa planira realizovati i treći po redu projekat „Živi zdrav život vol. 3“, te kroz edukacije i radionice nastaviti mlade poticati na društveni aktivizam i volonterizam. Ovom prigodom također želimo sve najbolje svim čitaocima u narednoj godini. Želimo vam još mnogo aktivističkih projekata, mnogo volonterskih sati, seminara i treninga na kojima ćete usavršiti svoje vještine! A svima onima koji tragaju za poslom, želimo da u narednoj godini nađu svoj posao iz snova!

Srećnu Novu godinu i predstojeće praznike želi vam porodica ORC Tuzla!

PLANOVI HCA/ORC-A ZA JANUAR 2016.

- Sprovođenje redovnih aktivnosti kroz Omladinsku mrežu BiH;
- Nastavak aktivnosti u okviru Prekogranične građanske mreže za mir, pomirenje i sigurnost ljudi na Balkanu (nastavak rada na istraživanju – organizovanje sastanka sa stakeholderima, te učešće na partnerskom sastanku u Istanbulu, 23 i 24. januara, kao i na regionalnoj konferenciji održivosti u Briselu, 26 i 27 januara;
- Pripreme za nastavak aktivnosti u okviru projekata: Prekogranična građanska mreža za mir, pomirenje i sigurnost ljudi na Balkanu, te održavanje i logistička podrška ALF Mreži Bosne i Hercegovine;
- Nastavak rada na namicanju sredstava za 2016. godinu.

AKTIVNOSTI ČLANICA OMLADINSKE MREŽE BIH



INSTITUT ZA RAZVOJ MLADIH KULT

Ul. 4. viteške brigade 34-36 BA, 71 210 Ilidža, Sarajevo

E-mail: kult@mladi.org

Tel.: 033 778 778; fax: 033 778 779

Web: www.mladi.org

USPOSTAVLJENO FEDERALNO VIJEĆE MLADIH

U Sarajevu je sredinom decembra osnovano Federalno vijeće mladih. Usvojen je statut i izabrano rukovodstvo. Za predsjednika Vijeća mladih Federacije BiH izabran je Mate Lončar, a Mensur Seferović za predsjednika Skupštine. Sekretar Federalnog vijeća mladih biće Mirela Geko.



Mate Lončar, novoizabrani predsjednik Federalnog vijeća mladih, istakao je da je jako sretan što je napokon osnovano krovno tijelo za mlade u tom bh. entitetu: *“Radit ćemo na najbolji mogući način. Trudit ćemo se i siguran sam da taj trud neće biti uzaludan. Želimo surađivati sa institucijama vlasti, želimo komunicirati s mladima. Radit ćemo i trud će se sigurno isplatiti”*.



Osnovna obaveza Federalnog vijeća mladih biće djelovanje na jačanju uključenja mladih u društveni život zajednice i njihovom informiranju. Vijeće će biti direktno uključeno u procese provođenja strategija prema mladima sa ciljem doprinošenja usvajanju i provođenju politike prema mladima i programa djelovanja za mlade koji najviše odgovaraju potrebama i pitanjima mladih. Osnivanje Federalnog vijeća mladih, kao predstavničkog tijela svih mladih, predviđeno je Zakonom o mladima FBiH koji je, na inicijativu Instituta za razvoj mladih KULT, usvojen 2010. godine. Jasmin Bešić, izvršni direktor Instituta za razvoj mladih KULT, rekao je da su mladi ljudi pokazali da upornim radom mogu doći do cilja kojem teže.

Osnivačkoj skupštini je, među ostalima, prisustvovala i Zora Dujmović, federalna ministrica kulture i sporta. Mladima se zahvalila na pozivu na, kako je rekla, svečani čin osnivanja Federalnog vijeća mladih, te je čestitala osnivanje. *„Meni je zadovoljstvo što sam danas ovdje. Hvala na pozivu, a posebno bih se zahvalila svima onima koji su doprinijeli da dođemo do ovoga cilja. Federalno ministarstvo kulture i sporta bavi se pitanjima mladih i činjenica je da ćemo učiniti mnogo da ojačamo sektor za mlade. Radit ćemo na dobrobiti mladih u smislu da naša potpora neće izostati u onom dijelu u kojem to bude potrebno mladima”* – istakla je u svom obraćanju Zora Dujmović, federalna ministrica kulture i sporta.

Prisutnima se obratio i Vladimir Pandurević iz Delegacije EU u BiH. Osvrnuo se na odlazak mladih iz Bosne i Hercegovine, te istakao da svi skupa moraju raditi na poboljšanju položaja mladih u našoj zemlji. *„Imamo mnogo načina da poboljšamo položaj te populacije Evropska unija se zalaže za uspostavljanje sistema koji će omogućiti mladima da dosegnu svoje potencijale”* – kazao je Pandurević.

+ Druga generacija omladinskih radnika/ca: Mladi zaslužuju više

Sedamnaest polaznika Obuke za stručne saradnike/ce za rad s mladima dobilo je u prostorijama Instituta za razvoj mladih KULT, certifikate o uspješno završenoj obuci. Dejan Rađen iz Brčkog kaže da je jako motivisan Obukom za stručne saradnike/ce za rad s mladima. *"Želim se više posvetiti mladima i omladinskom radu u Brčkom. Siguran sam da će mi ovo znanje pomoći da napredujem u ovom sektoru. Zahvaljujući aktivizmu, kroz ovu obuku, proglašen sam i volonterom godine u svojoj organizaciji"* - dodao je Rađen.

Stručni saradnici/e za rad s mladima su osobe koje pomažu mladima u procesu njihovog razvoja. Na inicijativu Instituta za razvoj mladih KULT zanimanje stručnog saradnika/ce za rad s mladima uvršteno je u klasifikaciju zanimanja Agencije za statistiku Bosne i Hercegovine. Obuku je činilo 5 modula, a na obuci je učestvovalo 26 mladih iz cijele Bosne i Hercegovine.

Certifikate o uspješno završenoj obuci dodijelio je Jasmin Bešić, izvršni direktor Instituta za razvoj mladih KULT. *"Nadam se da će Vam znanje i vještine koje ste ovdje stekli itekako koristiti u Vašem budućem radu. Zadovoljstvo je vidjeti motivirane mlade koji konstantnim radom na vlastitom usavršavanju nastoje doprinijeti razvoju svoje organizacije"* - dodao je Bešić.

Obuka se sastojala od pet modula, nakon čega su polaznici/e pristupili polaganju završnog ispita. Ova Obuka za stručne saradnike za rad s mladima, druga je po redu koju organizuje Institut za razvoj mladih KULT, istakla je Katarina Vučković iz Instituta za razvoj mladih KULT.



+ PREZENTACIJA NACRTA BUDŽETA F BiH ZA 2016. I UKLJUČENOST MLADIH U BUDŽET

U okviru projekta Jačanje institucija vlasti i procesa (SGIP) u BiH organizirana je prezentacija Nacrta budžeta F BiH za 2016. godinu. Prezentacija je organizirana u srijedu, 9. decembra 2015. prostorijama Akademije nauka i umjetnosti BiH. Na prezentaciji su učestvovali zastupnici i delegati u Parlamentu Federacije BiH, zastupnici i delegati u Parlamentarnoj skupštini BiH, predstavnici/e akademske zajednice, predstavnici/e nekoliko resornih ministarstava F BiH, te predstavnici/e nekoliko nevladinih organizacija.

Nakon uvodne riječi direktora Projekta Christiana Haupta, dr. Merdža Handalić Plahonjić je prezentirala najznačajnije stavke iz Nacrta Budžeta FBiH za narednu godinu. Potom je uslijedila prezentacija o izdvajanjima sredstava za mlade od 2014. do 2016. godine, koju je iznijela Nejra Neimarlija Roić, predstavnica Instituta za razvoj mladih KULT. Također, profesor Vjekoslav Domljan predstavio je modalitete povećanja fiskalnog prostora potrebnog za dalju provedbu planiranih reformi u F BiH.

Transfer za finansiranje i sufinansiranje prvog zapošljavanja i samozapošljavanja za 2016. godinu planiran je u iznosu od 50.000.000 KM, dok je u prethodne dvije godine ovaj iznos bio 20.000.000 KM. Većina ovog iznosa bit će izdvojena za prvo zapošljavanje mladih i samozapošljavanje mladih, a također bit će zanimljivo praćenje ovog programa, kako bi se imali detaljni podaci o utrošku ovih sredstava i efikasnosti njihovog utroška.

Ministarstva koja izdvajaju određena sredstva za mlade su sljedeća: Federalno ministarstvo kulture i sport, Federalno ministarstvo raseljenih osoba i izbjeglica, Federalno ministarstvo razvoja preduzetništva i obrta, Federalno ministarstvo pravde, Federalno ministarstvo obrazovanja i nauke, te Federalno ministarstvo okoliša i turizma.

Ukupna sredstva izdvojena za mlade u 2014. godini su 2.660.690 KM, dok za 2016. godinu taj iznos će biti 2.156.500 KM. To predstavlja 0,1% budžeta F BiH koji se izdvaja za potrebe mladih. Izdvojena sredstva odnose se na stipendiranje različitih kategorija mladih, za transfer omladinskim organizacijama, jačanje politike prema mladima, omladinski turizam, preduzetništvo mladih, stipendiranje za obučavanje za stare zanate, pripravnički staž, razvoj ruralnog turizma kroz zapošljavanje mladih itd. Institut je partner Projekta SGIP, kojeg finansira Američka agencija za međunarodni razvoj (USAID).

✚ POTRESNA ISPOVIJEST ŽRTVE NASILJA: U KUĆI NIKADA NE GOVORIMO O TOME

„Jedno jutro sam mu uz kafu rekla da ne vidim razlog zašto da živimo dalje skupa ali on to nije prihvatio. I dalje mi je prijetio. Mislio je da sam kukavica, da ja ne mogu sama ništa...“

Priča koju ćete pročitati u nastavku nije obična priča. Nije ovo standardni novinski tekst o ženi koja se izborila za slobodu. Nije ovo manifest ženske snage, ni vapaj za pomoć. Priča je ovo o životu. Priča o snazi koju svi u sebi nosimo. Ova priča poručuje ženama, žrtvama nasilja da ga ne moraju trpjeti. Priča je Mehira Crnica, samohrana majke četvero djece koja je osam godina trpjela psihičko i fizičko zlostavljanje i koja je jedno jutro, kako kaže, uz kafu odlučila da više ne može i ne želi šutjeti.

Svako jutro, oko osam sati, tridesetpetogdišnja Mehira Crnica otvara malu radnju u sarajevskom naselju Dobrinja. U radnji proizvodi kolačiće, razne. Sretna je, kaže. Radi za sebe i radi ono što voli. „Uvijek je kod nas kući bilo kolačića. Uvijek mi je to išlo od ruke ali nisam nikada razmišljala o tome poslovno. Sve je nekako, naizgled preko noći, samo došlo“ – kaže. Mali ali simpatični, slatki butik Mehira uspješno vodi već godinu i pol. Kaže da posao dobro ide. Majka je četvero djece koje odgaja sama. Najstarija kćerka ima dvanaest godina, najmlađi blizanci pet.



Radnja u kojoj proizvodi i prodaje kolačiće tek je mali dio velikog preokreta i promjene koju je Mehira napravila. Osam godina bila je žrtva porodičnog nasilja. Bila je u braku koji je bio, kaže, teret i tortura. „Udala sam se s 22 godine. To je nekako bilo kada sam upisala Ekonomski fakultet, ovdje u Sarajevu. Sada mislim da sam se udala iz nekog hira, slučajno je došla ta udaja. Sve se desilo brzo. Tada sam mislila da ću kada se udam završiti fakultet, da ćemo živjeti normalno. Međutim, to nije bilo to. Sve je krenulo u kontra smjeru“ – priča Mehira Crnica. Spuštenog pogleda kaže: „Ne volim se sjećati braka, iako često o svemu pričam.“ Ipak nastavlja. „Željela sam djecu odgajati u miru, da se igraju slobodno, da znaju da odrastaju u ljubavi. Za njih sam željela normalan život. Ispričala sam svoju priču, ne želeći da njom bilo koga uvrijedim. U razgovoru sa osobama iz Instituta za razvoj mladih KULT, shvatila sam da se želim uključiti u obilježavanje Narandžastog dana – dana borbe protiv nasilja nad ženama i djevojčicama. Ovim što sam ispričala poručujem ženama u Bosni i Hercegovini da nasilje ne moraju i ne smiju trpjeti.“

Institut za razvoj mladih KULT, Narandžasti dan će obilježiti uličnom akcijom. Aktivisti Instituta će, u Holiday marketu i na ulicama Sarajeva, u prazničnom duhu, građanima dijeliti Mehirine kolačiće, proizvedene u Dream Cookies radionici. Na svakom će biti poruka protiv nasilja nad ženama i djevojčicama.

Generalni sekretar UN-a proglasio je svaki 25. u mjesecu "Narandžastim danom" (Orange Day), kao dan podsjećanja na važnost prevencije, sprečavanja i sankcionisanja nasilja nad ženama i djevojčicama.



ASOCIJACIJA SREDNJOŠKOLACA U BOSNI I HERCEGOVINI

Adresa: Mula Mustafe Bašeskije br. 7, 71 000 Sarajevo

Tel/fax: 033 205 850

e-mail: asubih@yahoo.com

web: www.asubih.ba

✚ 5.12. MEĐUNARODNI DAN VOLONTERA

Asocijacija srednjoškolaca u Bosni i Hercegovini je nestranačka, nevladina i nepolitička organizacija, čiji je osnovni cilj poboljšanje statusa srednjoškolaca u zemlji. ASuBiH okuplja sve mlade koji pohađaju srednju školu na prostoru BiH.

U Bosni i Hercegovini, kao i u zemljama širom svijeta, 5.12. se obilježava kao Međunarodni dan volontera. ASuBiH, kao jedna od organizacija u našoj zemlji koja okuplja veliki broj volontera-članova, također je uzela učešće u obilježavanju ovog datuma posredstvom Lokalnih timova širom zemlje.

32 lokalne zajednice bile su u znaku naših aktivista, koji su volontirali u Domovima penzionera, Domovima za djecu sa posebnim potrebama i nezbrinutu djecu, Narodnim kuhinjama, televizijama, radio postajama, školama, Upravama općina i gradova itd.



✚ DRUGA ASUBIH EDUKACIJA



U periodu od 11.-13. decembra, u Sarajevu je održana II ASuBiH edukacija na kojoj je prisustvovalo 20 učesnika iz gradova širom Bosne i Hercegovine. Glavne teme edukacije su bile poboljšanje komunikacije u lokalnoj zajednici, pisanje projektnih prijedloga, lobiranje, promocija...

Ove teme su prepoznate kao najvažnije za nesmetan rad u timovima, zbog čega su i odabrane kao glavne. Učesnici su ova tri dana vrijedno radili i učili, te su kroz kreativne radionice, igrice i razgovor, otkrili neke svoje vještine koje će im pomoći u radu sa njihovim lokalnim timovima.

Nakon tri produktivna dana, učesnici su bili više nego zadovoljni i motivirani. Kućama su otišli sa puno novog znanja i vještina, i naravno lijepih uspomena sa druženja.

✚ PRVA EDUKACIJA "FRIENDS WITHOUT BORDERS/ PRIJATELJI BEZ GRANICA"

U periodu od 04.-06.12.2015. godine, održana je prva edukacija za srednjoškolce u sklopu projekta "Friends without borders/ Prijatelji bez granica".

To je projekat koji ASuBiH realizuje već drugi put uz podršku Američke i Austrijske ambasade u Bosni i Hercegovini. Ovaj projekat je prvi put implementiran 2013. godine. To je projekat interkulturalnog učenja baziran na "home stay" razmjenama – principom lokalnih domaćina.



Cilj projekta je upoznati srednjoškolce sa kulturno-istorijskom baštinom koja krasi Bosnu i Hercegovinu i podstaći razvoj omladinskog aktivizma u njihovim lokalnim zajednicama. Lokalne zajednice uključene u projekat su: Banja Luka, Bileća, Gradačac, Gradiška, Istočno Sarajevo, Jajce, Mostar, Novi Travnik, Prozor – Rama, Sarajevo, Gornji Vakuf-Uskoplje, Travnik, Trebinje i Tuzla.

Tema pomenute edukacije je bila lobiranje, koje je neophodno kako bi srednjoškolci skrenuli pažnju javnosti o značaju gore navedenih ciljeva. Takođe, na ovoj edukaciji učesnici i učesnice su

imali priliku da vježbaju vještine koje se vežu za ovaj pojam. Druga edukacija planirana je za mjesec mart, a razmjene će se realizovati u period između aprila i augusta 2016. godine.

✚ FORUM SREDNJOŠKOLACA

U Gradišci u periodu do 21. do 22. 12. 2015. održan je Forum srednjoškolaca. Forum srednjoškolaca je zajednička inicijativa predstavnika organizacija iz Gradiške za zajedničko definisanje problema mladih u opštini Gradiška, te dijalog sa predstavnicima lokalnih vlasti, škola i nevladinih organizacija oko rješavanja problema mladih.

Učesnici i organizatori foruma bili bi mladi iz Gradiške, njih 100. Na ovom forumu su definisani problemi i potrebe mladih iz Gradiške te shodno njima definisani dalji koraci saradnje mladih sa lokalnim vlastima i školama oko rješavanje istih.



U organizaciji i realizaciji „Foruma srednjoškolaca“ učestvovali su Gradiška organizacija mladih GROM kao nosilac projekta, Omladinski savjet Republike Srpske, Savjeti učenika Gimnazije, Tehničke i Srednje Stručne i Tehničke škole u Gradišci i Asocijacija srednjoškolaca u BiH čije predstavnik na forumu je bio Faruk Gutić.

✚ ISKORISTI MLADOST NA NAJBOLJI NAČIN

Seminar je održan u periodu 19.-20.12.2015.godine, učesnici su prošli razne aktivnosti i radionice na temu team-buildinga, postavljanja ciljeva i realizacije, organizacija i upravljanje vremena, biznis planovi i rada u timu.

U sklopu realizacije projekta "Iskoristi mladost na najbolji način" koji Asocijacija srednjoškolaca u Bosni i Hercegovini - Lokalni tim Zenica realizuje u 2015. godini a koji je finansijski podržan od strane Grada Zenice, održana je zadnja aktivnost, seminar za 18 srednjoškolaca na temu razvoja omladinskog aktivizma.





OMLADINSKA ORGANIZACIJA "SVITAC"
Jusufa Čampare bb, 76 100 Brčko Distrikt
Tel./Fax: 049 211 032
Email: svitac@teol.net
Web: www.svitac.org
FB: www.facebook.com/omladinska.svitac

DNEVNE RADIONICE

Omladinska organizacija Svitar je u decembru nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Prve sedmice decembra su bile posvećene izradi dekoracija za Novogodišnju zabavu koju Svitar organizuje svake godine. Pored toga grupa sa mališanima od 4-7 godina je ovog mjeseca pravila dekorativni baner od papira, lišća iz prirode i kolaž papira na temu jesen/zima, zatim origami figure. Svakog ponedjeljka su učili osnove engleskog jezika koristeći radne listove za učenje prepoznavanja emocija, dijelova tijela i upoznavanje sa raznim vrstama životinja. Učenje je olakšano kroz pjevanje, ples i muziku. Cilj radionica je da mališani razviju maštu i da koristeći razne materijale izraze svoju kreativnost, da razviju motoriku i poštovanje prema drugima i da usvoje lijepo ponašanje. U decembru je 30 učesnika pohađalo jutarnje kreativne radionice.



Za poslijepodnevnu grupu se održava novi raspored aktivnosti (uzrast 8+). Ponedjeljkom je na rasporedu engleski jezik (alfabet, izgovor, fleš kartice za ponavljanje vokabulara i sastavljanje rečenica). Utorkom kreativno izražavanje na temu jesen/zima koristeći akrilne boje, flomastere, drvene bojice i kolaž papire. Srijedom je muzička radionica gdje učesnici imaju priliku da uče osnove sviranja na trubi, gitari ili klaviru i razvijaju sposobnosti komunikacije i dijaloga na temu ritam, note i razni pravci muzike, te da uče pjesmu „Hakuna Matata“ koja je izvedena na Novogodišnjoj zabavi. Četvrtkom je drama i sportski dan kada se organizuju razne vrste igara sa loptom, upoznavanje sa osnovama karatea. Grupa je podijeljena u dvije manje i učesnici imaju mogućnost da izaberu sport ili dramu. Učesnici dramske radionice su spremili kratki pozorišni komad „Petar i vuk“ koji je izveden na Novogodišnjoj zabavi. Petak je dan za učenje njemačkog jezika kao i za pomaganje u izradi domaće zadaće. Broj učesnika poslijepodnevnih aktivnosti je trenutno 20. Radionice se održavaju u Omladinskom centru Brčko distrikta. Koordinator radionica u decembru je bila Asja Subašić uz asistenciju Weltwaerts i EVS međunarodnih volontera Jonasa Kiesnera, Anne Bonitz i Johanne Weng iz Njemačke, zatim Isambarda Rynera, Sarah Dyble-Kitchin i Georgie Allen iz Velike Britanije.

JEZIČKE RADIONICE

Kursevi engleskog i njemačkog jezika su nastavljani i u decembru. 35 studenata trenutno pohađa ove kurseve i podijeljeni su u tri grupe (Početni 1, Početni 2 za djecu i odrasle i Srednji 1 za djecu).

Svaka grupa ima dva časa sedmično u trajanju od sat i po, a časovi se održavaju u prostorijama Omladinske organizacije Svitar i Omladinskom centru Brčko distrikta. Starost studenata je od 8 do 35 godina.



MUZIČKE RADIONICE

Dječiji hor: U decembru su počele radionice pjevanja za djecu. Učesnici su se pripremali za nastup povodom Novogodišnje zabave.

Radionice gitare: Učesnici radionice gitare su se takođe pripremali za nastup u prvoj polovini decembra.

Radionice sambe: Učesnici su nastavili sa sviranjem uvježbanih kompozicija, improvizacijom kao i učenjem notnih vrijednosti i čitanjem kraćih notnih zapisa.



NEW YEAR'S PARTY- NOVOGODIŠNJA ZABAVA

Omladinska organizacija je i ove godine organizovala New Year's party za članove koji redovno pohađaju dnevne aktivnosti, njihove roditelje i prijatelje sa područja Brčko distrikta. Zabava je održana 11. decembra u prostorijama Omladinskog centra Brčko distrikt. Za djecu uzrasta 8+ je u večernjem terminu održan zabavni program koji su pripremili koordinatori Omladinske organizacije Svičac i lokalni i međunarodni volonteri iz Velike Britanije i Njemačke.

Gosti su imali priliku da pogledaju 5 izvedbi na gitari muzičke sekcije, koju vodi muzički koordinators Sanjin Vošanović, zatim izvedbu pjesme „Visibaba mala“ i „Head, shoulder, knees and toes“ koje su otpjevali mališani i učesnici jutarnjih aktivnosti od 4 do 7 godina, a koju je pripremila međunarodna EVS volonterka Sarah Dyble. Sam Rayner, takođe međunarodni EVS volonter iz Velike Britanije, je pripremio sa učesnicima poslepodnevne grupe (uzrast 8+) pjesmu „Hakuna Matata“. Anne Bonitz, EVS međunarodna volonterka iz Njemačke je pripremila sa dramskom sekcijom igorkaz „Petar i vuk“ uz muziku Sergeja Prokofjova.

U drugom dijelu zabave je pripremljen Bingo, kada su se izvlačili brojevi, a dobitnici dobijali nagrade. Bingo je simboličan i uzbudljiv dio programa, jer svako dijete dobija poklon, tj. nagradu. Zakuska je ostavljena za kraj zabave gdje su djeca i gosti pored ostalih grickalica imala priliku i da probaju specijalitete iz Velike Britanije i Njemačke (medenjake od krompira, pitu od jabuka i đumbira) kao dio Kulturne prezentacije koju su pripremila Johanna Weng, Georgia Allen i Sarah Dyble.



Za januar se planira nastavak svih redovnih radionica Omladinske organizacije Svičac.



H.O. Muslimansko dobrotvorno društvo - MERHAMET DOBOJ
Kralja Aleksandra 17, 74 000 Doboj
Tel./fax: 053 226 886
E-mail: merhamet.doboj@cutuk.net
Web: www.ngo.ba; www.facebook.com/Merhamet-Doboj

✚ Aktivnosti H.O. „MERHAMETA“ Doboj za decembar

- Predsjednica „Merhameta“ Doboj, Avdić Faketa prisustvovala okruglom stolu pod nazivom „Lica sa invaliditetom u situaciji elementarne nepogode“ koji je organizovao Savez distrofičara RS - 30.11.2015. godine u „Centru za djecu i omladinu sa smetnjama u razvoju“ Doboj.
- Predsjednica „Merhameta“ Doboj, Avdić Faketa prisustvovala informativnom sastanku komisija za ravnopravnost polova i udruženja žena opština Petrovo, Gračanica, Maglaj, Teslić, Tešanj i Grad Doboj koji je održan 02.12.2015. godine u Hotelu Integra.



- Povodom obilježavanja „5-og decembra Međunarodnog dana volontera“, na svečanoj ceremoniji u Kulturnom centru „Banski dvor“ u Banja Luci dodijeljene su nagrade najboljim volonterima i organizatorima volontiranja u Republici Srpskoj. Republičku nagradu za najvolontera 2015. dobila je volonterka „Merhameta“ Doboj Mirnesa Bećirodobašić, a diplomu za poseban doprinos razvoju volontiranja u Republici Srpskoj dobila je organizacija „Merhamet“ Doboj. Nagrade najboljima uručila je Ministarka porodice, omladine i sporta Jasmina Davidović





- Predsjednica „Merhameta“ Doboј, Avdić Faketa prisustvovala ČETVRTOJ SKUPŠTINI ANTIKORUPCIJSKE MREŽE U BIH „ACCOUNT“ koja je održana 08.12. 2015. godine u Sarajevu.
- Predsjednica „Merhameta“ Doboј, Avdić Faketa prisustvovala seminaru iz budžetiranja i budžetskog monitoringa iz rodne perspektive koji je organizovao „UG ToPeer“ Doboј - 12.12. 2015. godine u sali Gradske skupštine Doboј.
- Podjela novogodišnjih paketića za 400 djece članova „Merhameta“ Doboј.



- Predsjednica „Merhameta“ Doboј, Avdić Faketa učestvovala u fokus grupi vezano za istraživanje o posljedicama poplava, te o učešću građana u procesima odlučivanja u toku, ali i nakon poplave koje je provela g-đa Danijela Majstorović, profesorica na Filozofskom fakultetu u Banja Luci - 24.12. 2015. godine u UG „Topeer“ Doboј.
- Podjela humanitarne pomoći za članove „Merhameta“ Doboј.
- Volonterka „Merhameta“ Doboј, Amra Mišić prisustvovala konferenciji "Informisanje i savjetovanje mladih u Bosni i Hercegovini" koju je organizovalo Ministarstvo civilnih poslova Bosne i Hercegovine i Komisija za koordinaciju pitanja mladih u Bosni i Hercegovini u saradnji sa Omladinskim savjetom Republike Srpske u Banja Luci - 29.12. 2015. godine.





UDRUŽENJE AKTIVNIH ŽENA "GENDER" Brčko distrikt BiH

Adresa: Mehmedagića 24, 76 100 Brčko Distrikt

Tel.: 065 908 457, fax: 049 217 695

E-mail: genderbrcko@gmail.com

Web: www.uazgenderbrcko.tk

✚ ОДРЖАВАЊЕ ОКРУГЛОГ СТОЛА

Округли сто је завршна активност у оквиру пројекта „Локализација Међународне конвенције CEDAW“, Конвенције за заштиту од дискриминације жена. Овај пројекат је подржала Влада Брчко дистрикта БиХ. Округли сто је одржан 22.12.2015. године.

На округлом столу су представљени прикупљени подаци о случајевима насиља у породици, сексуалног насиља, родоскрвнућа, убиства у породици и запуштању или злостављању малољетника или дјече. Подаци су прикупљени из Полиције, Тужилаштва и Основног суда Брчко дистрикта БиХ. Подаци из Центра за ментално здравље и Центра за социјални рад су представљени на округлом столу од стране представника тих институција.



Прим. др Злата Папрић је говорила о утицају насиља у породици на ментално здравље жртава тог насиља и осталих чланова породице. При одржавању овог догађаја помоћ су нам пружили волонтери из Вуковарско-славонске жупаније.

Округлом столу су присуствовали представници институција, родних механизма, ОСЦЕ-а и удружења жена из Брчко дистрикта БиХ. Овај догађај су пратили и локални медији.

✚ „LOKALIZACIJA MEĐUNARODNE KONVENCIJE CEDAW“

U okviru projekta „Lokalizacija međunarodne konvencije CEDAW“ za koji je udruženje „GENDER“ dobilo podršku od Vlade Brčko distrikta BiH, 10.12.2015. godine je održana: radionica, fokus grupa i ulična akcija.

Radionicu je vodila Radmila Žigić, predstavница Fondacije Lara iz Bijeljine. Na radionici se govorilo o diskriminaciji nad ženama i Konvenciji za zaštitu od svih oblika diskriminacije žena. Radionici su prisustvovalе predstavnice lokalnih удружења жена. Ženama su nakon radionice podijeljeni higijenski paketi, donacija Crvenog krsta Brčko distrikta BiH.



Na fokus grupi su žene govorile o oblicima nasilja, svom iskustvu i susretom sa nasiljem u porodici, kao i koracima koji se mogu sprovesti da se nasilje prijavi i počinitelj nasilja kazni.

Tokom ulične akcije na Trgu Mladih u Brčkom građanima su podijeljeni letci o trgovini ljudima i oni su upoznati sa načinima zaštite. Ovu akciju su podržali lokalni mediji. Akcija je odrađena u okviru Mreže Ring čiji je, od nedavno, član i udruženje „GENDER“ Brčko.

✚ „16 ДАНА АКТИВИЗМА“

Поводом „16 дана активизма“ удружење „ГЕНДЕР“ Брчко је, под покровитељством и подршком ОСЦЕ-а, одржало округли сто на тему *насиља над женама*. Округли сто је одржан 1.12.2015. године у Омладинском центру у Брчком.

На округлом столу се говорило о проблемима насиља у породици у Брчко дистрикту, сарадњи и раду локалних удружења која се баве овом тематиком, институцијама и институционалним механизмима. Стање је такво да се мало ради на превенцији насиља над женама, да не постоји Закон о заштити од насиља, али да се ни постојећи закони не спроводе у потпуности. Потребна је већа сарадња институција и НВО-а.



Округлом столу су присуствовали представници локалних удружења жена, Скупштинске Комисије за равноправност полова и Радне групе за родну равноправност Владе Брчко дистрикта БиХ. Медијски покровитељ овог догађаја је БУКА.

✚ RADIONICA „IMAM PRAVO DA BUDEM ZDRAVA“

Održavanjem radionice volonterke GENDER-a Jovanke Radovanović, u okviru njenog mini projekta "Imam pravo da budem zdrava", smo započeli aktivnosti povodom 16 dana aktivizma. Radionici su prisustvovali učenici srednjih škola u Brčko distriktu i govorilo se o prvoj posjeti ginekologu. Iz Poljoprivredno-medicinske škole su prisustvovala dva odjeljenja.

Dr. Jelena Živanović specijalista ginekologije i akušerstva iz Brčanskog doma zdravlja je održala predavanje i odgovarala na pitanja učenika.

Učesnicima radionice su podijeljeni higijenski paketi namijenjeni djevojkama i ženama, koji su donacija Crvenog krsta Brčko distrikta BiH.

Radionica je održana 24.11.2015. godine.



Omladinski klub »DIJAMANT«

Bučići 42, 70 101 Jajce

Tel./fax: 030-279-444, 061-179-209, 063-366-811

E-mail: m.sekib@bih.net.ba

WEB: www.ocd-dijamant.net



✚ Svjetski Dan borbe protiv korupcije!

Volonteri Omladinskog kluba „Dijamant“ u povodu međunarodnog Dana (8.12.2015.) borbe protiv korupcije, te sedmice antikorupcijskog aktivizma u BiH, u ponedjeljak u Jajcu, ispred Doma kulture održali uličnu akciju podjele informativno-promotivnog materijala koji govore o načinu prijave raznih oblika korupcije.



Građani Jajca kažu da se često govori o raznim koruptivnim radnjama, ali da građani ipak nemaju hrabrosti i građanske odgovornosti i ne reaguju da prijave korupciju.

Moramo mijenjati svijest građana ovdje u BiH tako da svi, muškarci, žene i djeca, shvate da korupcija nije normalna pojava, da nije nužna, i da ju ne treba prihvatiti, " Korupcija se tiče nas sviju“?





www.pronibrcko.ba

PRONI Centar za omladinski razvoj
Mehmedagića 24, 76 100 Brčko distrikt BiH
Tel./Fax: 00 387 49 217 695
E-mail: pronibrco@teol.net
www.pronibrcko.ba

✚ OBILJEŽEN 5. DECEMBAR, DAN VOLONTERA U BRČKOM I BIJELJINI

Tokom Dana volontera smo u Bijeljini i Brčkom sa našim volonterskim servisima, radili akcije. Organizovan je i sastanak sa omladinskim radnicima i radnicama iz Mreže omladinskih klubova.

Pripremili smo sastanak sa predsjednicima/cama mjesnih zajednica u Brčkom, zatim aktivnosti za usvajanje zakona o volontiranju i u Brčko distriktu BiH. Družili smo se sa volonterima i pripremili iznenađenja za naše vrijedne volontere. Za najboljeg volontera proglašen je Dejan Rađen iz Brčkog.

Također smo na Dan volontera uručili i sertifikate za polaznike kursa za Menadžera društvenih mreža. I ne, nismo zaboravili na našeg EVS volontera u Njemačkoj.

Ovaj decembarski vikend smo posvetili volonterima i volonterkama!
Uskoro više jer svijet se mijenja, a vi ?

Your World is changing.
Are you?
Volunteer!

✚ KONFERENCIJA „BORBA PROTIV GOVORA MRŽNJE NA INTERNETU“

Ministarstvo civilnih poslova Bosne i Hercegovine i Komisija za koordinaciju pitanja mladih u Bosni i Hercegovini u saradnji sa PRONI Centrom za omladinski razvoj, organizovala je konferenciju „Borba protiv govora mržnje na internetu“.

Konferencija se održala u utorak, 15.12.2015. godine, u Sarajevu (sala 1/1 Zgrade Parlamentarne skupštine BiH), sa početkom u 09,00 sati.

Na konferenciji je učestvovalo preko 70 mladih ljudi.



INFORMACIJE

+ ŠKOLA BADMINTONA SARAJEVO ZA ZDRAV I SRETAN ŽIVOT

Omogućimo svojoj **djeci** izgradnju **zdravog** i **sretnog** načina života, tako što će vrijeme koje provedu na ulici, pred mobitelima i računarima koristiti za **druženje** i **sport**. Trenirajmo **badminton**.

Sve je počelo kada nas je trener badminton sa ulice doveo u klub da treniramo. Sa badmintonom smo rasli, razvijali se putovali i osvajali nagrade, a danas pokrećemo svoj klub za djecu da prenesemo našu ljubav prema ovom sportu. Kada smo počeli trenirati niko u Sarajevu nije znao šta je badminton, a danas imamo velike grupe rekreativnih igrača i mnogo zainteresirane djece.

Badminton je olimpijski sport od 1992., igra se igra reketom i od igrača zahtijeva maksimalnu kondiciju, spretnost, okretnost, brzu promjenu pravca, snagu, koncentraciju, balans, brzinu i ekspozivnost. Upravo zbog toga što sprečava srčana oboljenja i pomaže pravilnom razvoju mišića i kičme idealan je sport za fizički razvoj djece, te za održavanje figure i kondicije kod rekreativaca. Kod djece razvija koncentraciju, motivaciju, samopouzdanje, sportski duh i podstiče sportsko i prijateljsko ponašanje.



Iako zbog neupućenosti u našim krajevima badminton asocira na sport *za izleta* ili *plaže*, zapravo se radi o sportu koji je takmičarski jako raširen u Bosni i Hercegovini, Hrvatskoj, Srbiji i Sloveniji. Međutim, zbog nedostatka trenera i zainteresiranosti Bosna i Hercegovina dosta zaostaje za regionom, a naročito svijetom, što je dobra prilika za mladog igrača koji tek počinje, kako se ne mora nositi sa oštrom državnom konkurencijom, već lako može stati na svjetske badminton terene.

Pridružite nam se u sali **JUOŠ „Mehmedalija Mak Dizdar“**, ul. Žrtava fašizma 14, **subotom od 18 do 19:30**. Treninge vodi certificirani badminton trener od strane Badminton World Federation i International Olympic Committee, Armin Stefanović.

Za sve informacije **kontaktirajte nas**:

- trener: (+387) 61 619 938
- facebook: Badminton škola Sarajevo
- web: <http://badminton-anpu.rhcloud.com/>
- e-mail: udruzenjeanpu@gmail.com

DONATORI /POZIVI

1. KONKURS ZA ISTRAŽIVAČKE GRANTOVE DO 30.000 DOLARA ZA MLADE ISTRAŽIVAČE SA INOVATIVNIM PRIJEDLOZIMA PROJEKATA U OBLASTI „ZELE HEMIJE“

Oglas otvoren do: 28.02.2016.

U okviru partnerstva između UNESCO, ruske kompanije PhosAgro i Međunarodne unije za čistu i primijenjenu hemiju (IUPAC) raspisan je konkurs za istraživačke grantove do 30.000 dolara za mlade istraživače sa inovativnim prijedlozima projekata u oblasti zelene hemije.

Za grant sredstva se mogu prijaviti mladi istraživači do 35 godina starosti koji vode istraživačke projekte koji se mogu sprovesti u roku od godinu dana.

Više informacija na:

<http://www.sobijeljina.org/index.php?idgrupa=149&sablon=0&naslov=Јавни+позиви%2С+конкурси%2С+огласи%2С+саопштења%2С+обавјештења...>

2. EVROPSKA OMLADINSKA NAGRADA 2016.: NAGRADE ZA NAJKREATIVNIJE DIGITALNE PROJEKTE.

Peti put zaredom EYA pronalazi i nagrađuje najkreativnije digitalne projekte, kao što su internet stranice, aplikacije, nosivi uređaji, pametni uređaji i digitalne instalacije. Projekti mogu biti prijavljeni u sedam kategorija koje se odražavaju na EU strategiju “Evropa 2020”.

Kategorije projekata:

- Zdrav život (fitnes; ishrana; medicinska Njega; medicinska tehnologija)
- Pametno učenje (edukacija; elektronske vještine; otvorena nauka; zabavne informacije)
- Povezivanje kultura (jezik; putovanje; raznolikost; nove zajednice)
- Zeleni pokret (održiva energija; pokretnost; pametni gradovi; klimatske promjene)
- Aktivno državljanstvo (građansko novinarstvo; društvena povezanost; ljudska prava; osnaživanje žena i muškaraca)
- Značaj novca (finansijska pismenost; zaposlenost; prikupljanje donacija; finansijske tehnologije)
- Otvorene inovacije (problematične aplikacije; igre; lude stvari; digitalna magija)

Prijave su otvorene do 15. jula 2016. godine.

Dodatne informacije: [EYA-2016](#)

Izvor: <http://studomat.ba/european-youth-award-2016-nagrade-za-najkreativnije-digitalne-projekte/55668/>

3. SHL POZIV ZA PODRŠKU IZBJEGLICAMA

Posljednjih dana, sedmica i mjeseci nevjerovatne scene se odvijaju duž granica i željezničkih stanica izbjegličkih ruta u Jugoistočnoj Evropi.

Već više od dvadeset godina njemačka fondacija Schüler Helfen Leben (SHL) podržava nevladine organizacije u Jugoistočnoj Evropi koje su aktivne na području društvenog i rada sa mladima. Danas

SHL najavljuje malu finansijsku podršku za slučajeve hitnosti u cilju podrške izbjeglicama u zemljama zapadnog Balkana.

Molimo vas da nam pošaljete kratki opis vaše ideje (maksimalno 1 stranica), odgovarajući budžet i kontakt podatke. Dobro je došla bilo koja vrsta podrške izbjeglicama u stanju potrebe, odnosno kupovina i distribucija vreća za spavanje, kišne jakne ili drugi predmeti, stambena podrška ili radionice na temu podizanja svijesti. Pokušajte da budžet ne prelazi 2.000 eura kako bi se omogućilo više različitih vrsta podrške inicijativama, kao i na različitim mjestima.

Nema propisanoga obrasca za prijave. Nema roka za prijavu. Izbor projekata će biti stalan dok god postoje raspoloživa sredstva.

Molimo vas da podijelite ove informacije sa drugim lokalnim nevladinim organizacijama i inicijativama. Ako vam treba više informacija o prijavi slobodno se obratite našim kolegama u berlinskom uredu:

Sandra Khusrawi ili Christian Braun
Stiftung Schüler Helfen Leben
Axel-Springer-Str. 40, D-10969 Berlin
T +49 30 30 83 16 90
F +49 30 30 83 16 99
Email: act-now@schueler-helfen-leben.de

www.schueler-helfen-leben.de

Radujemo se vašim aplikacijama.

Napomena da je upite i prijave potrebno slati na engleskom jeziku.

4. PODSJEĆANJE: POZIV ZA UČEŠĆE NA PROJEKTU: HISTORIJA/ISTORIJA/POVIJEST – LESSONS FOR TODAY

Kuća Anne Frank u saradnji sa lokalnim partnerskim organizacijama iz Bosne i Hercegovine (Inicijativa mladih za ljudska prava u BiH YIHR BIH i Fondacija Humanost u akciji BiH), Hrvatske (Hrvatska edukacijska i razvojna mreža za evoluciju sporazumijevanja), Makedonije (Omladinski obrazovni Forum) i Srbije (Otvorena Komunikacija), ovim putem poziva profesore i nastavnike srednjih i osnovnih škola da se prijave na jedan od tri seminara, koji će se održati u okviru projekta „Historija, Istorija, Povijest – Lessons for Today“ koji je finansiran sredstvima Evropske Unije.

Projekat „Historija, Istorija, Povijest – Lessons for Today“ promoviše inovativne obrazovne metodologije, a po obrazovnim modulima i pristupima koje koristi Kuća Anne Frank. Ukupno će se organizovati tri seminara u Zagrebu (Hrvatska), Mostaru (Bosna i Hercegovina) i Beogradu (Srbija), a svi troškovi prevoza, smještaja i ishrane su pokriveni od strane organizatora.

Više informacija možete pronaći u zvaničnom pozivu, u kojem se nalazi i prijavni obrazac: [Tekst poziva i prijavni obrazac.](#)

Ukoliko ste zainteresovani ovim putem vas molimo da ispunite prijavni obrazac i pošaljete ga najkasnije do 10. januara 2016. godine, elektronski tj. putem email-a na adresu: kerim@yih.org.

Rezultati selekcije će biti objavljeni do 31.01.2015. godine

Izvor: <http://yih.ba/poziv-za-ucesce-na-projektu-historijaistorija-povijest-lessons-for-today/>

5. PROGRAM STIPENDIJA STIPENDIUM HUNGARICUM ZA AKADEMSKU 2016/2017.

U sklopu Programa obrazovne i kulturne saradnje za period 2014 – 2016 između Ministarstva civilnih poslova BiH i Ministarstva ljudskih resursa Mađarske objavljen je Poziv za podnošenje aplikacija za dodjelu stipendija Stipendium Hungaricum u akademskoj 2016/2017 godini. Detaljnije informacije o Pozivu, stipendijama i načinu apliciranja dostupne su na:

www.stipendiumhungaricum.hu i www.tka.hu.

Od ove godine proces apliciranja se vrši isključivo on-line, putem linka koji će biti objavljen na www.stipendiumhungaricum.hu i koji će biti aktivan od 1. januara 2016.godine.

Krajnji rok za podnošenje aplikacija elektronskim putem je **1. mart 2016.** godine, a finalnu selekciju aplikacija vršiće mađarska strana.

Izvor:

<http://www.hocu.ba/index.php/hocu.priliku/program-stipendija-stipendium-hungaricum-za-akademsku-20162017/>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design

Webmaster:

Emir Delalić-Zeko -

Tuzla

emir.delalic@gmail.com

web: www.omladina-bih.net

mejling lista Mreže:

posta@omladina-bih.net

Adrese za slanje vaših informacija za mjesečni bilten:

hcatuzla@bih.net.ba; orcuzla@bih.net.ba

fax: 035 258 077

Omladinski resursni centar Tuzla

Hadži Bakirbega Tuzlića 1,

75000 Tuzla

tel / fax: 035 258 077

e-mail: orcuzla@bih.net.ba

hcatuzla@bih.net.ba

Mjesečni bilten uređuje Omladinski resursni centar - ORC Tuzla